

آبونه شير اعلیٰ

داخلی، خارجی هریر ایچون  
سنه لکی (۲۵۰)، آاقی آیلنی  
(۱۳۰) غروشدر .

[نسخه سی ۵ فروش ،  
سنه لکی ۵۲ نسخه در . ]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسالکه موافق آثار مع المنونیه  
قبول اولنور . درج ایدله بن  
یازیلر اعاده اولونماز .

# کتابخانه

دینی، فلسفی، علمی، ادبی هفتعلق مجموعه اسلامیه در

اتبعون اهدکم سبیل الرشاد

صاحب و مدیر مسئول  
اشرف اربیب

باش محرر  
محمد عاکف

والله یهدی من یشاء الی صراط مستقیم

عدد : ۳۸۳

۱۵ ربیع الاول ۱۳۳۷

پنجشنبه

۱۹ کانون اول ۱۳۳۴

جلد ۱۵

اخطارات

آدرس سیدیلنده آریجه بش  
غروش کوندر بلیدر .

مکتوبلرک امضالری واضح  
واوقونانلی اولسن و آبونه صبره  
نومسروسی محتوی بولنسی لازمدر .

ممالک ابنیه ایچون آبونه  
اولانارک آدرسلرینک فرانسه  
جهدده یازلمسی رجا اولنور .

پاره کوندر ایچی زمان نه به د اثر  
اولدیغنک واضحاً ییلدیلمسی  
رجا اولنور .

دیہ جکنده شہہ یوق . چونکہ فرانسه نك مجرای طبیعی انکشافی بوزمیش اولورلر . و بناء علیہ انی بر موت محفہ محکوم ایلش اولدقلمری بلا تردد سویلرلر .

بو مملکتی وقانون اساسیسی بیلنلرک بو قانون اساسینک بیوک برخطا اولدیغی ومملکتک احوال اجتماعیه وسیاسیسی، حالت روحیسی معتقدات و تعاملاتی ایله اصلا قابل تألیف اولدیغی، حتی موجودیت ملیه عثمانیه ایچون حقیقی بر تهلمکه مقامنه قائم اولدیغی تسلیم ایتمک ممکن دکلدر . ذاتاً بشقه درلوده اوله مازدی . چونکہ قانون اساسینک واضع و مرتبلی مملکتی اصلا نظر اعتباره آلیوب حافظه لرندہ نصلسه قالمیلان بعض پریشان معلومات وانظریاتک مملکتک سعادت حالی کافل اوله جنی واهمه سنده بولندیلر . قیمت حقیقیه دن و حقایق دن معراء ، دکربز بر اثر وجوده کتیرمه محکوم ایدیلر . چونکہ مملکتلرینه قوانین اساسیه غریبه نك ناقص بر تقلیدی ادخالدن بشقه برشی یایمق بالطبع آنلر ایچون قابل دکلدی .

ایشته کورولورکه بتون فنالقارک اصل منشائی بدرر . یعنی قوانین و مؤسسات اجنبیه نك قبول و ادخاله مظهر تجدد و ترقی اولمقلمیز لزومنه بزجه قناعت حاصل ایلمک خطاسیدر . بتون مصائبک منبئی اولان شو مضر اعتقاد عجبا بزه نره دن کلدی ؟ فکر مزجه بتون بو فنالقلمری تولید ایدن، مدنیت غریبه یی آکلیمارق تطبیق ایدیشمزدر . هیأت اجتماعیسه نك قوانین تکاملاتسه بحق واقف اولدیغمز دندرکه ملل و اقوامک قوانین و نظاماتیه قوانین اساسیسی اقتباس ایده جک اولورسوق امور و اداره ده آنلر درجه سنده نائل تکملات اوله جغمز اعتقادنده بولنیورز . بو اعتقاد مشوم یوزندن حصوله کن فنالقلمرک ذکر و تعدادی اوزون سورر . یالکز شوراسنی سویلمک کافیدرکه بو اعتقاد بزم کندی کندمزی بر اصلاحه قابلیتمز اولدیغی ظنی تولید ایتمک صورتیه نفسمزه اولان اعتمادمزی سلب ایتمکده و بو صورتله بشقه لرینکده بزه قارشى اعتماد وحرمتی سالب اولمقده درر .

باری بو آجی والیم نجر به لر استقبال ایچون بزه درس عبرت اولسه وبسبتون ایش ایشدن کچمهدن اول فنالقانی امکان مساعد اولدیغی مرتبه ده تعمیر خصوصنده بزه معین بولنسه .



### حقوق عائله و اصول محاکمات شرعیه

#### قرارداداری مقننه

۱

مناکحاتک برنجی بابنک فصل نایسنه داخل اولان و نجی ماده سنده :

«اهلیت نکاحی سائر اولق ایچون شرطک اون سکر وخطوبه نك اونیدی باشی تمام ایش اولملری شرطدر .»

دینیمش . لکن لفظی معناسه موافق دکل . کتاب قولنده اویمیور . چونکه شه یعننه خاصه اهلیت نکاح ایچون سن شرطی یوقدر . مکرکه بو تعبیرله فعل نکاحه قابلیت و زفاف و تقریبه اهلیت معناسی قصد اولونسون . لکن اونک شرطی ده اون ایکی و طقوزیاشرینی بیتر مکدر . کرچه بو معنا مراد اولونمش دکلدر . لفظیدن ظاهر اولیمان معناسی آنی ولی ایدن ماده لر ایله لایحه ده کی ابحاندن مستبان اولیور . کندیسنده بلوغ آناری کوزمه یین و بلوغی انکار ایدن شخصک بالغ اولدیغنه حکم اولونورق عقد نکاحه صالح اولسی معناسه وضع واستعمال اولوندیغی آکلاشیایور . لکن ینه ماده نك وضعی خطادن خالی دکل . واقعا لایحه ده امام اعظم قولنه استناد ایتدیریلدیکی وفقه ایدن بهضلرینک یکرمی ایکی و بهضلرینک یکرمی بش یاشنده بولمقده مشروطدر ، دیمش اولدقلمری ذکر اولنیور . بوراسی ده طوغرو . بین الفقها بلوغ حکمینک حدنده اختلاف اولوندیغی کی اصلنده ده امام مالکک خلافی واردر . بلوغی منکر اولان کیمسه نك قاچ یاشنده اولور ایسه اولسون بلوغنه حکم اولونماز دیمش اولدیغی . کذلک معتبرانده منقولدر . قومیسسیون بوکا واقف اولمامش . لکن ایش اوراده دکل . قرار نامه نك بو ماده سی ذکور و انانندن اون بش یاشنی ا کمال ایدنلرک هر حاله بالغ و اجرا ایلمکلمری عقود و اقراریرک معتبر اولدیغنه حکم اولونمق لازم کله جکی حقیقده کی امام اعظمک ایکنجی قولی و جمهورائمه نك مذهبلمری اوزره یازیلش اولان مجله نك ۹۸۶ و ۹۸۷ نجی ماده لرینه مخالفدر . مقصد بونی ترک ایلمکده دکل . عقود سائر حقیقه کماکان مرعی اولسون . یالکز نکاح آندن استننا اولونسون ، دینیلور . اهل اسلامک ایرکن اولملری کثرت تناسلمرینه باعث اولمقده بولوندیغی قریباً ذکر ایدیله جک اولان قوانند سائر سی کی بیک اوچیوز بو قدر سنه ک تجربه ایله ده معلوم و آشکار ایکن هر ناصلسه قومیسسیون نظرنده مصائبدن عد اولونمش بولونمسی شو استثنایه سبب مستقل اولدیغی ده مع التأسف لایحه ده تصریح اولونیور . حال بوکه بویله قولین مختلفین ایله معاً امر اولونورق برینک عقودک بر نوعنه ، دیکرینک سائر لرینه تخصیص ایدیلمسی کیفی اولور . اقوال فقها و ادله شرعیه آکا مساعد دکلدر . شریعت غراده بر شخصک بلوغنه حکم ایله مک باشقه ، اهل نکاح اولدیغنه حکم ایلمک باشقه دکلدر بر برندن آیرمق نصاً و اجماعاً باطلدر .

لایحه ده : کندیسندن رشد آناری ظاهر اولمهدن بالغ اولان ایتمه ماللرینک هان اعطا اولونماسی مجمع علیه اولدیغی ذکر اولونورق شرع شریف حقوق ووظائف تمهیلند . تانی ایله حرکت ایدیور ، نکاح ایسه مالک قابل قیاس اولیوب هر اون بش یاشنی ا کمال ایده نه حق ازدواج بخش ایتمک نکاحی لایق اولدیغی اهمیتله نظر اعتباره آلامقدر . . . دینیمش . بو ، ده یا کلش . همده سحر اولان انسانلره حق ازدواجی الله تعالی بخش ایلمشدر . باشقه سی بخش ایلمک دکل . انسانلرک بویله برحق بخش ایتملی آحق کوللمری ایچون اوله بیلیر . اوت ، حقوق

وظائف تحميلنده شو تعبير جائز ايسه شرع شريف تاني الله حرکت ايتمکنده در . نکاح ده ماله قابل قياس دکلدر . لکن مؤخر اولان نکاح خصوصي دکل ، تسليم مال جهتي در . چونکه بالتجربه رشدي معلوم اولميان بر مراهقک بلوغنه حکم ايديلنجه بر جوق اموالک بردن يدينه تسليم اولونيورمسي خطر در . اسرافه قالقيشوب اومالي تضييع ايتسنه و بلکه منهيته طالب زنايه بيله جرأت ايتسنه سبب اولور . نکاحده ايسه اسراف اولمز . بلکه نکاح مانع بر قدر . هيچ محذوري بو قدر . الله تعالى « وابتلو اليتامى حتى اذا بلغوا النکاح فان آنستم منهم رشدا فادفموا اليهم اموالهم » بويورميش ، اهليت نکاح و بلوغ نکاح مناسنک ثبوتى شرط مقدم اولديغى کندی کلاميله بيلدیرمشدر . قوميسيون هيئتک بو مسجده اختيار ايتدکاری مسلك صريح قرآنک ضد تامي اولور . ديمک ذهول ايديلش . ابي دوشونوله مش . تشريع ايديلک ايسه نيان شواستثنايه کوره اون بش ياشي تمام ايدوبده بلوغنى مقرر اولميان شخصک ، حاکم ، هم بلوغ اولديغنه حکم ايدرک هقود سائره سنى معتبر طوته حق ، همده او مجلسده ، او ساعتده « سن بالغ دکلسک » دييه رک عقد ايديلکي نکاحک فسادي حکم ايله يه جک ، احد حکمينک البته خطا اولوب رضاي باري به مخالف اولديغى يقيناً بيلديکي حالده اقدام ايدو جک . اهليت نکاحک شرط مقدم اولوب هقود سائره نک نفاذى نصاً و اجاعاً بلوغ نکاحله مشروط اولديغى ده معلوم . آرتيق او حکملره ناصيل حکم شرعى ديفيله بيابير ؟ و منشألى اولان بو ماده نک بروج مشروح استثناء قبول و تشريعى ناضل ممکن اولور ؟ و بچون قبول و تشريع اولونيور ؟ هيچ برئمره سى ده اولماياحق . مقصد اذنتامه و يريلسون ديمک ايسه اون بش ياشي ا کمال ايتش و اولنهي تميم ايلوب آله جنى قيزک عائله سنى ارضاليتش اولان يکيت « بز بالغز » ديمسى بيلمزمى ؟ و حاکم افنديدن ناصيل مساعده آلتنه بيله جکني او کوره نمزمى ؟

برده اذنتامه آلمش اولسون . بالذات عقده بولنوبده بالغ اولديغى اقرار ايتمش اولمسي تصور اولنورمى ؟ طرفين يکديکرى مصدق اولدقلى حالده حاکم آکا « بالغ اولماشدک » دييه مزيا . مؤخرآ آرالى آچيلوبده بريسى اويله برانکارده بولونسه بيله سبق ايدن اقرار واقاده لرني سامعينک شهادت ايله اثبات ايلک شرعاً ممکن وعقد و توكيله اقدام ايتش اولملىرنيک اقرار مذکورک وقوعه قرينه واضحه و دليل کافی اوله جنى ده ظاهر .

هاني بوماده نک بر فائده سى ؟ يا خود بر نتيجه سى ؟ بر حکم شرعى ي تشويشه منجر اولان او قدر تکلفات و تعملاتک محصولي ينه تسويد اولنان صحافده قايور .

۲

بشيشي ماده ده : « اون سکر ياشي تمام ايتمش اولان مراهق بالغ اولديغى بيان ايله مراجعت ايتدکده حالى متحمل ايسه حاکم ازدواجنه مساعده ايدو بيلير . »

ده نيلمش . مراهق تيمبرى ماده سابقه دن متفرع و بناء عليه خطا و عاقل بالغ اولان حتر ازدواجه من طرف الله مأذون اولنله حکامک مساعده لرينه محتاج اولديغى آشکاردر .

آله جنى اذنتامه نک قيمت شرعى سى بو قدر . نته کيم قوميسيون ده بو خصوصي لايحه ده تصريح ايتمش . ملل سائره عقده رؤسالى طرفدن اجراسى شرط اولوب اولديغنه اختلاف و مناقشاتو دوچار اولدقلى حالده دين مين اسلامک مسئله ي اصلا تردد بر اقايه حق صورتده حل ايدرک علاقه دارانک معاقده لرى کافی اولديغى اعلان ايتش اولديغى مفاخر اسلاميه دن اولمق اوزره ياد ايتمشدر .

مع ذلك اذنتامه آله جقه حاکم افندي ده اونى البته ويره جکدر . رأينه منوط ايتش کي « مساعده ويره بيلير ، دينلمسى سوء استعمالنه قبو آچار . ايشک رنگنه و طرفينک موقع و ثروت لرينه کوره ارباب اغراض و اطماهک تسويلاتنه ، مأمورين ملکيه و سائره نک مداخلاتنه ده سبب اولور . کيمي مساعده و يريلسون ، کيمي و يريلسون ، ديرلر . اهل تفقدن اولان حاکميه ده مشکل موقعده بر اقبيرلر .

عقد اجرا اولونش ايسه بونده شرائط اهليتدن ايتش ظن ايدرلر ، سوکره دن نکاحک فسادي ادعا ايدنلر بولنور . برطاقم دعاوى فارغه تکون ايدر و حکام ايچنده بوالفاظک ظاهرينه قاييلوب اويولده حکم ايدنلر ده اولور . حال بوکه ويره جکلى حکم اجاعاً باطلدر . و اويولده تفسير اولوندقلى صورتده ماده قانونيه صريح شريعتنه مخالفدر .

بو قدر مفاسده قارشى اويله بر مصاحقه ده متضمن اولديغى ميدانده .

۳

آلتنجي ماده ده : « اون يدي ياشي تمام ايتمش اولان مراهقه بالغه اولديغى بيان ايله مراجعت ايتدکده حالى متحمل و و ليسنک اذنى منظم ايسه حاکم ازدواجنه مساعده ايدو بيلير . » دينلمش .

ماده سابقه ده کي محاذير باجمها بونده ده موجود اولديغى کي اسلوب ده بوزوق . و ليسى طورورکن قيز اذنتامه آلمق ايچون حضور حاکم چيقاريله جق ؛ بو ايسه اخلاق مليه و آداب اسلاميه ايله قابل تاليف اولديغى وارسته بياندر .

لايحه ده بو کيلر حقدنه نکاحک نفاذى ايچون اذن ولينک شرط اولديغنه ذاهب اولان امام محمد رحمه الله تعالى نک قولى قبول اولونديغى ده کوستريله رک « ازدواجنه مساعده اعطاسى ولينک اجازتنه تعليق اولوندى . » دينلمش . قول مذکور انجق بو خصوص حقدنه سى قبول ايديلش ؛ يالکيز اذنتامه و يريله رک مى تطبيق اولونجه جق ؟ يوقسه کنديسنى مهر مثيله کفوينه تزويج ايتش اولوبده و ليسى تغتاً اذن و يريلورسه نکاحک فسادينمى کيديله جک . . قرار نامه ده بيان اولونميو ب يالى بر اقبلمشدرکه بوده لايق دکلدر .

کرچه ۷ نجى ماده ده هيچ بر شيله مقيد اولمايه رقى ذکر اولنان

«بر کبیرہ» لفظی مربالغہ یہ شامل اولیٰ اللہ کا کان امام اعظم و صاحب اقدمتک مذهببری و امام محمدکده مروی اولان ایکنجی قوی اوزره نکاحک محتته حکم ایدیلک لازم کله جکنی ارباب علم و تدقیق آکلار لر . وائمه مشبار الیهم رحمهم الله تعالیٰ تک مذهب شریفلر نده بو حکمک اون یدیسنی آتام ایدلره اختصاصی اولدینی کبی امام محمدک قول اولنده نکاحک اذن ولی یہ موقوف اولسی ده اون یدیسندن، یاخود اون بشندن دون اولانلره مخصوص اولمایوب سنی افزون اولانلره ده علم اولدینی؛ اقوال فقها و ادله شرعیه تک بویله تفصیله مساعد اولیوب طقوزیاشی آتام ایدرک بنیه سی متحمل اولدینی حالده بلوغنی اخبار ایدن قیزک هنوز اون اوج یاشنه کیرمش اولقله اون یدیسنی ، یاخود یکریمی سکزیفی کچمش اولسی پیننده هیچ برفرق اولدینی متفق علیه اولوب قاج یاشنده اولورسه اولسون اذن ولی منضم اولان نکاحک حکمنده اختلاف اولوندینی و هانکی قولک عندالله تعالیٰ مصیب ایسه دیکرینک خطا اولوب برینک قبول و اختیارندن دیکرینک ترکی لازم کله جکنی؛ حادثاتک بر قسمنده اولیه و بر قسمنده اولیه حکم ایتمی الزام ایلمک نه برحاکم شرعی ونده آئی نصب ایدن آمر ایچون جائز اولیه جغنی؛ جمع اولونلر نده خطا و مخالفت حکم خدا متیقن اولدینی حالده ایکیسیله معا حکم و امر ایلمک مصلحت بابتندن اولیوب معصیت اوله جغنی و بناء علیه حکومت سلیه منکرده البته آئی قبول ایتمه جکنی بیایر لر . لکن اکثر عوام و بعض حکام بورالینی ادراک ایدمه مز لر . اون یدیسنی آتام ایتمه یینلر حقنده احکام تغیر ایتمش زهم ایدلری؛ بوندن صکره حاکمک لر مساعدده آلمدجه اذن ولی منضم اولمددجه شرائط اهلیتی جائز اولمامش صایبله جق ، قرار نامه تک ۵۲ نجی ماده سننه توفیقاً عقدک فسادینه کیدیله جک ذهابنه دوشلری بولنور . بر طاقم دعاوی فاسده و احکام باطله تحدث ایدرک ناسک درجات مها کیده سورونلرینه سبب اولور . و هر کس بودر جاته قادر اوله مایه جقلرندن ال نازک اولان بویله مسائله ضیاع حقوقله حلال و حرامک ملتبس اولسنی موجب اولور . اساساً اجرای عقد ایچون حاکمک مساعدده سنی اذن ولی یہ تعلیق ایتمک و بونی امام محمدک قولنه اسناد ایتدیر مکده طوغرو دکل . هیچ بر زمان امام مشار الیه اولیه ولی اذن و یرمیورسه حاکمه مساعدده ایتمه سون دیمه مشدر . بالعکس مهر مثالی و یره جک طالب کفو اولوبده ولی اقرب تعنتاً راضی اولیورسه آکا منوط اولان حقتک علی الترتیب آندن صوکر مکی ولیره و ولایات خاصه اعجابندن هیچ بر کیمسه یوقسه ولایت عامه اعجابنه انتقال ایلیوب آنلر کده اذن و یرملری لازم کله جکی خلاصه الفتاوی و سایر معتبرات فقهیه ده مصر حدر .

اون یدیسنی اکل ایتمدیکندن طولانی بالغه بی مهر مثل و کفونندن محروم ایتمک اجاعاً مشروع اولماز . باخصوص نکاح اولیه هر وقت مباح و مستحب درجه لرنده بولنان اموردن اولیوب بعض احوالده شرعاً واجبدر .

صدرالدین

## دین نه در؟

انسان، بر آن ایچون، فکری، خاطرانی، بتون حرکات و سکناتی اوزرنده تأثیرات حاکمه سی مسلم اولان غنماندن تجرید نفس ایتسون؛ یاشادینی محیطه، رکنی بولندینی طایفه، افرادندن برینی تشکیل ایتدیکی جمعیته فائد مؤثرات مختلفه تک براقدینی ایزلری صفحه خاطر اتندن سیلسون؛ وجود و اولنه ساحه بدایمنده تجلیساز اولان کائنات و مخلوقات متعلق بیفکری اوتوسون؛ کندی او آن تفکر نده یارادیلش فرض ایتسون؛ صکره وجوده، مشاهیر ظاهره و احساسات بالهنسک حوزه اطلاعیه ایصال ایتدیکی شیلردن بشقه برشی بیامیان برفرد نظریله باقسین؛ و بوتماشیه عالم کونی هر طرفدن صارمش اولان قبه نیلکوندن باشلا یهرق دامن احتشامی مدنکاه ایده جکی هر جهتی قابلامش اولان فضایه کچسین . بوجستجوی آفاقدن صکره برده نظره اعتبارینی کندی موجودیتنه اماله ایتسون . بوجولان سر یعدن قلمبنده نه کبی بر تاثر حس ایده جک؟ هیچ شبهه یوقه ، کائناتک عظمت و امتداد بی پابانه و اولنه یاننده شخصنک کوچولدکجه کوچولن جرم بی نشاننه عائد کوره جکی منظره قلبی لرزه خوف و دهشتله دولدره جقدر .

بالای سرنده او نامتناهی کی کوره رک عقل و ادراکی کوزینک کوره بیلیدیکی نقطه ده وقفه کیر عجز و حیرت اوله جق، فکری هر طرفدن محیط جولاتی صارمش اولان بوجوهول هائلک عظمت خرد فرساستندن حس ایتدیکی دهشت و مهابتله لرزان و پریشان بر حالده کری دونه جقدر .

مفکره سی ، فطرتنده کی استکشاف مستوراته میلی و محبت سوقیله